

**REGIONAL NEWS BULLETIN  
HEADLINES (EVENING)**

**Date – 12/09/2024**

**Time - 18:30 Hrs**

1. Health Minister Pi Lalrinpuii chuan Mizoram MLA ten HIV/ AIDS darh zel tur venna atana tha an thawh ve theihna, "Legislative Forum on HIV/AIDS" chu din thar leh turin hmalak mek a ni a ti.
2. Ministry of External Affairs Joint Secretary B Shyam leh Central YLA hruaitute vawiin khan Aizawl State Guest House ah an inkawm.
3. Communist Party of India (Marxist) General Secretary Sitaram Yechury vawiin khan a thi
4. Bangladesh sawrkar lailawk chuan an ram dinthar lehna turin Commission pawimawh tak tak paruk a din thar.

<><><>

**IEC CAMPAIGN**

Health Minister Pi Lalrinpuii chuan Mizoram MLA ten HIV/ AIDS darh zel tur venna atana tha an thawh ve theihna, "Legislative Forum on HIV/AIDS" chu din thar leh turin hmalak mek a ni a ti.

He thu hi vawiin a HIV leh a kaihnawih dona atana inzirtirna hrang hrang beihpui thlakna "Intensified IEC Campaign - India Fight Against HIV & STI Lunglei district bik tan a hawna ah sawiin Health Minister chuan Legislative Forum on HIV/AIDS din thar lehna atan Mizoram Legislative Assembly Speaker hnenah dil mek a nih thu a sawi a, Pi Lalrinpuii chuan Mizoram chu ruihhlovin a run mek tih sawiin, ruihhlo chuan mahni nun inthlahdahna a thlen thu leh chu chuan natna tha lo - HIV leh STI-te a tipung chak hle a ni, a ti.

Health Minister sawi danin, Mizoram a HIV leh STI pung chak lutuk chuan thuneitute leh a thawktute mang a ti-ang tak zet a, HIV/AIDS do turin Mizoram Sawrkar chuan "State Council on AIDS" te tuai thar lehin, he natna pung darh zel tur veng tur hian mi tin-in nun uluk a, ruihhlo laka inven fimkhur leh kawppui thlan fimkhur chu thil pawimawh tak a nih thu a sawi bawk.

Pi Lalrinpuii chuan Intensified IEC Campaign hlawhtlinna tur chu mipuite-ah a inngah thu leh Health department-a thawkte mai bakah, District Administration lam te, sawrkar hna thawk, sikul naupang, Kohhran leh tlawmngai pawl ten tan rualna an neih a pawimawh thu sawiin, Intensified IEC Campaign-in a tum ber - mipui zawng zawng hnen thleng phak HIV leh STI natna dona kawnga inzirtirna theh darh chu a hlawhtlin ngei theih nan theih tawp chhuah theuh turin hma latute chu a chah bawk.

Serchhipah pawh Intensified IEC Campaign pual hian inkhawm niin he hun hmanpuitu District Bawrsap Pu Paul L.Khuma chuan HIV/AIDS leh STI inkaichhawn dan te, heng natna laka inven dan te leh a dona kawnga hma kan lak dan te chu hriatchian a tul zia sawiin natna tih-bai awm tak ni mah se, fimkhur tak leh uluk taka nun hman a nih chuan kan kai lo theih a ni tih hria a, tawng pawng hlauh loh tur a nih thu te leh a vei te pawh thinhrik mai loh tur a nih thu te a sawi a, He natna laka inven theihna kawng tha ber chu mipat hmeichhiatna hman khawloh laka fihlim te, damdawi tih chhin loh te, ruihhlo leh a kaihnawih zawng zawng laka inven te a nih thu sawiin, tih chhin loh leh tih loh tawp chu invenna tha ber a ni, a ti.

Serchhip Bawrsap chuan zirlai kalkhawm te chu fuihin khawvelin a buaipui HIV/AIDS lakah Serchhip District, Mizoram leh India ram a fihlim theih nan IEC Campaign neih chhunga an thil hriat leh zirchhuah te chu a taka nunpui tur leh, midang te zirtir chhawng tu nih tum theuh turin a chah bawk.

Champhaiah chuan Vengthlang YMA Hall-ah Champhai District tan Bawrsap Pu VL Remliana'n a hawng a. He hunah hian HIV/AIDS leh STI lam hawi Debate, Placard Design, Flash Mob dance, Photo Booth Design leh Stall Display hmangin zirlai naupangte tan intihsiakna buatsaih a ni.

<><><>

**SAITUAL TOWN PLANNING**

Saitual Town Planning and Development Committee chu a vawikhat nan vawiin khan an thukhawm a.He thutkhawm hi Bialtu MLA, Professor Lalnilawma chuan kaihruiin Saitual District chu District thang mek a nih thu leh a than zelna kawngah Town Planning mumal tak neih a tul tih a sawi a, Mipuite hawi khaw thawna tur City

park-te, insawizawina hmun Open gym-te siam theih ni se a tih bakah Saitual khawpui cheibawlna kawngah committee chuan mawhphurhna sang tak a neih thu a sawi bawk.

He thutkhawmah hian Saitual Planning Boundary Description chungchang ngaihtuahho niin, Google Earth Map hmanga Boundary Pillar(BP) hrang hrang thlirho nghal a ni a, committee chuan he boundary pillar ruahmanna hi a pawm nghal bawk.

District Bawhsap Dr Lalngura Tlau chuan thusawiin Town Planning hlawhtling tur chuan VC tih bik awm lova town rilru put a tul tih a sawi a, chenna hmun leh sumdawna hmun te chu mumal taka thliar hran a pawimawh tih a sawi bakah kawngpui, mihring kalna tur leh lirthei kalna tur pawh mumal taka siam a tul a ni, a ti. District Bawhsap chuan kalkhawmte chu town hmasawna tur hrang hranga ngaihtuahna seng turin a sawm bawk.

He hunah hian Chief Town Planning Officer, UD & PA, Pu Zoduailova Zote pawhin thusawiin khawpuia rem leh rem lo a in sak thin chuan chhiatna tam tak a thlen thin avangin khawpui than zelna atan Master Plan neih a tul tih a sawi a, Master Plan-in a tum chu khawpui mawi tak leh chenna tlak tura siam a, a mi chengte pawh inlungual taka an awm theihna a ni tur a ni, a ti a, chumi tur chuan ramri (boundary) mumal tak siam hmasak phawt a ngai tih sawiin chuta tang chuan hma a lak chhoh zel theih a ni, a ti. Pu Zoduailova chuan Saitual Town Planning chu kum 20 atana duan a ni a, kum 10 hnuah ennawn theih niin hemi chhung hian member ten hmathlir an nei a nih chuan ziaak a thlen theih reng a ni tih a sawi bawk.

<><><>

## **CYLA**

Sorkar laipui Ministry of External Affairs Joint Secretary B Shyam leh Central YLA hruaitute vawiin khan Aizawl State Guest House ah an inkawm a, Kaladan Multi Modal Transit Transport Project kal mek bak ah Lawngtlai District Zorinpui-a insawmdawn tawna kal mek chungchang te sawiho.

Central YLA hruaitute chuan India Act East Policy chu tha an tih thu leh an support tlat thu Joint Secretary hnenah hian an sawia, tuna insumdawn tawna kalpui mekah erawh sawrkar in mumal zawka kalpui anih theih nan hmalakna nei thei se an duh thu an thlen a- Immigration check post siam te, Border Commercial Haat buatsaihte a hmalama hmalakna awm thei se an duh thu thlenin. India ram sawrkarin Border fencing kalpui a tum pawh an thlawp thu leh a tul hle ni a an hriat thu ansawi.

KMMTTP Lawngtlai leh Zorinpui inkar kawngchhia avanga harsatna tawh mek pawh sawiin, helai ram chhungah ram neitu compensation la dawng lo te pawh a hma lama pek annih theih hmalakpui turin an ngen bawk.

Pu Shyam, chuan Central YLA thu thlen te chu thil pawimawh tak mai leh tih makmawh anih thu sawiin, a tihlawhtlin dantur zawn a ni ang a ti a. Central YLA chu helai project hlawhtlinna kawngah an pawimawh takzet a ni a ti a, Central YLA chu he Project a hlawhtlinnan dinhmun pawimawhtak luahtu a ni, a ti.

<><><>

## **CONSULTATIVE MEETING**

Mizo Hmeichhe Insuihkhawm Pawl, (MHIP) General Headquarter hruaitute leh Mizoram State Commission for Protection of Child Rights (MSCPCR)-te chuan hmeichhia leh naupangte dinhmun leh dikna humhalh zel a nih theihna tur kawngah vawiin khan inkawmhona hun an nei.

He hun hi MSCPCR Chairperson Pu Jimmy Laltnamawia chuan kaihruiin Pi Priscilla Lallawmsangi, Legal Officer, MSCPCR chuan “Domestic Workers Welfare

and Social Security Act, 2010” leh “Illegal Female Migrant Workers in Mizoram” tih thupui hmangin kalkhawmte a zirtir a; he mi kawnga Dan inzirtir nate zau zawka mi nawlpui hna awareness neih a tul thu sawi ho a ni a, TV, Radio, Internet leh Internet Social Media te hmang tangkai chung a in zirtir na chhuah tam leh thawn darh tam a that thu te sawi ho ni in a bik takin, Aizawl khawpui chhungah awmpui atana naupang, Sikul kai rual kawlan tam hle tih chu vantlang hriat a nih tawh thu leh awmpui chhawr leh kawlan hlawh bituk chungchangah te leh inkaihhraina Dan awmsa tha taka zawm chu mipuite mawhphurhna a nih zia te an sawi ho baw.

He hunah Aizawl Bazaar hmunpui leh Mizoram khaw hrang hrang Bazaar-ah te Naupang Nu te'n hna an thawh laia naupangte him leh hlim taka an lo awmna tur, Nau awmna hmun (Creche) chungchang sawifiahna leh mamawhna a san zia te bakah hemi atana hmalak dan tur sawi ho nghal a ni a. MSCPCR leh MHIP te chu naupang dikna leh chanvo humhalhna kawnga thawh ho chhuzawm zel a pawimawh thu an sawi baw.

<><><>

### **TUIPUI FERRY**

Wawiin khan, Lawngtlai leh Siaha inkalpawhna, Tuipui Ferry Marboat Lawngtlai lam kaina chu, kawng a chhiat avangin Motor tan tlan a hrehawm bakah, lirthei tan a him loh avangin, Lai Autonomous Dist Council CEM Pu C. Lalmuanthangan a siamthat tir.

CEM chuan, Lawngtlai leh Siaha inkar fur ruahtui tam hun laia awlsam zawka inkal pawhna tur, Dr Beichhua, Siaha Bialtu MLA in, mipui leh lirtheia kal thinte tana tangkai taka an hman tur, Tuipui Ferry-a Marboat a dah chu lawmawm atih thu a sawi a, Lawngtlai lam kaina kawng a tha lo hle a, Lirthei a kalte tan a him lova, harsatna an tawh thin tih sawiin, wawiin khan helai hmun hi lirthei a zin thinte him zawk nan tiin an siam that tir a, atul ang zelin hmalak zel an tum thu asawi.

National Highway ah Lawngtlai leh Siaha inkar hi dar hnih leh a chanve atanga darkar thum vel tlan a nih lain, Tuipui ferry paltlang chuan Minutes 45 atanga darkar khat vel ah thlen theih a ni.

<><><>

### **MAMIT PRERANA PROJECT**

Mamit Dist bik tana kalpui tur PRERANA project chungchangah Taitesena Buk, DC office Mamit-ah wawiin khan DC Pu Jacob Lalawmpuia hovin thutkhawm a ni a,

Hei hi an thutkhawm vawikhatna a ni a, Prerana Project hi USAID bul tuma kalpui niin a tum ber chu family planning mumal zawk a kalpui te, rilru hriselna chawisan te leh inchhungkhura hleinenna thleng thin tih tlem te a ni .

He thutkhawmnaah hian Bawrsap chuan Prerana project chu ruahmanna tha tak, tum Chiang tak nei a kalpui a tul a ti a, department mai bakah khawtlang leh kohhran hruaitute nen a thawhhona tha neih a pawimawh thu a sawi baw. Pu Jacob Lalawmpuia chuan phur tak leh thahnem ngai tak a thawh a, hmasawn duhna rilru nen a Mamit district thanlen nan thawh chhuzawm zel tur leh thawhona tha nei turin thutkhawmna a kal te chu a chah baw a ni.

He thutkhawmnaah hian department aiawhte leh USAID lama hotute chuan Mamit district chhunga harsatna hrang hrang chu sawiin hmalak dan tur tha te an sawi ho baw a ni.

<><><>

### **CPI (M) GS YECHURY PASSED AWAY**

Communist Party of India (Marxist) General Secretary Sitaram Yechury wawiin khan a thi. Kum 72-a upa CPI(M) hruaitu hlun Yechury hi hun rei tak damlohna avangin All India Institute of Medical Sciences, New Delhi-ah enkawl anih hnuah wawiin khan a thi a ni. Sitram Yechury hi kum 12 chhung Rajya Sabha MP a ni a. Ramchhung politics-a hming langsar leh sulhnu lian tak nei niin Jawaharlal Nehru University-a kal lai atangin zirlai hruaitu nihna atangin politics bul a tan a. Kum kum 1975-77 chhunga rampuma Emergency puan anih lai khan a dodaltu langsar takah a tang a ni. Kum 2015 atangin CPI (M) General Secretary-ah ruat niin a thih ni thlengin a chelh a ni.

Lok Sabha Leader of Opposition Rahul Gandhi chuan wawiin khan Pu Yechury a ui thu social media lamah a tarlang a. India nihna diktak humhim tu leh hrethiamtu anih thu sawiin Pu Yechury thi chu a ui takzet tih a sawi a ni.

<><><>

### **PADMA AWARD**

Padma Award 2025 dawng tur rawt duh tan tun thla ni 15 hun hawn a ni. Padma Award dawng turte hi kum 2025 Republic Day ah puan a ni dawn a. Kumin May ni 1

atang khan Padma Award dawng thei tur rawtna hi thehluh hun hawn tan a ni a. Rashtriya Puraskar Portal kaltlangin online-a thehluh a ni.

Rawtna thehluhte hi an nihna kimchang tak thil tel tur niin an sulhnu leh hnathawh chhinchhiahtlakte tarlan vek tur a ni

<><><>

## **BANGLADESH**

Bangladesh sawrkar lailawk chuan an ram dinthar lehna turin Commission pawimawh tak tak paruk a din thar a. Bangladesh Chief Adviser Prof Muhammad Yunus chuan hmei chungchang hi puangin COMmission te hian an rama thil pawimawh zual parukah insiamthatna tur an ngaihtuah dawn a ti a. Heng zingah hian an ram danpui constitution, inthlandan kalphung, dan rorelna judiciary, police, Anti-Corruption Commisison leh public administration te an tel. Commission te rawtna hi political party hruaitu te nen an thlir ho leh dawn a ni.

<><><>